



kat.komp.

21672

III Mag. St. Dr.

P

Paschay Andr. Sigism. Divina retia, divi pesca-
toris hominum, calamei gratulatorio expansa.

PANEG. et VITAE

Polon. Fol.

Nº. 871.

D
T

D
C

PR

Sch

D
In la

M.

C

DIVINA RETIA,
DIVI PISCATORIS
HOMINVM,

Calamo Gratulatorio
expansa;



ATQVE

Perillustri ac Admodum Reuerendo Domino,

D. P E T R O
O R Ł O W S K I,

PROTONOTARIO APOSTOLICO,
PRÆPOSITO TARNOVIENSI,
Scholastico Kielcensi, Curato Moraucensi,
Consistorij Cracouien: Notario Actuário,
S. R. M. S E C R E T A R I O,

DIE SVO TVTELARI SACRO;

In lætitia, & beneuoli affectûs signum, ac votorum
A P P L A V S V M,

A

M. ANDREA SIGISMVND O PASCHACY,
Philosophiæ Doctore & Professore,

O B L A T A.

Anno Domini M. DC. LXXXII.

CRACOVIAE, Typis VNIVERSITATIS.

DIVINA

DIVI PISCATORIS HOMINVM RETIA

Quidni sint ex eo,

quòd homines capiant; quos piscari, nunquam antehac auditum.

Supra humanum opus & opes, ac mortalis industria vires id est,
certe,

Ars artium, quia Diuina.

Rudis planè artis tantæ, tot sæculis terrarum Orbis,
tandem edoctus est:

Homines quoque instar piscium capi, & trahi posse.

Nec id facile crederet,

nisi re ipsâ didicisset;

postquam se totum, intra Retia hac admirabili sanè piscaturâ, conclusum

Ac demùm sibi gratulatus quoque est.

(sensit:

Namque

Capi sic, plurimùm eius interfuit,

secus prada procul dubiò miserabilis, escaq. futurus Orco,

quieum, ceu piscem deglutisset;

nisi sic fuisset captus.

Tua isthæc gloria est, DIVE PISCATOR

Tuorum ista laus est Retium,
quibus, Orbem totum cepisti!

Procul hinc Retia Fortunæ,

euanidæ somni imagines, meraque ludibria:

Pelasgo quondam Duci arces ultrò & oppida, munitasq. vrbes,

capere, visa per quietem & trahere

Diuina Petri Retia

Orbem, cunctis cum vrbibus vniuersum traxere,

Verùm,

Non in perniciem, aut seruitutis iugum; potius in salutem certam,

securamq. sui libertatem.

Nemo iam miretur

Scaphas aliquot piscatorias dum concorditer agunt,

potentissimam Rempub. condidisse

vnica en Nauicula P E T R I,

Orbem iterum condidit vniuersum,

quia seruauit pereuntem.

Quem,

Coniurati in ruinam eius Stygij vortices, mergebant
longè periculosius

quàm irati olim Cali cataracta, & mota imis sedibus totius
Oceani vires.

Perierat omninò

ni Nauis hæc Piscatoria in tempore subuenisset,

seruans in grauissimo discrimine vniuersos;

dum eos salutiferis hisce Retibus, ad se trahit, & beatis Insulis,
atque felici portu exponit securos.

Cōcessere intra hæc Retia, tota cū gētibz Regna, Prouinciæ, Vrbes, Populi:

Arrogantior Sophorum iactantia, pisce magis, muta facta,

& omnis Sapientia huius Mundi.

Capta, argute Sophistarum captiones, frustra, fallacias undiq; omnes,
ne caperentur conquirentes:

obmutuere cuncta velut pisces, cessareq; his Retibus.

Orbis totus,

Piscatoriæ potestatis factus est.

Olim quidem,

Macedoni, subigenti Orbem, vnus pro vtraq; Monarchia annulus,
non sufficiebat;

ut altero insuper Darii, per Asiam totumq; Orientem, vteretur;
quasi duorum fortunam, vnius animus capere non posset.

Nunc iam,

Pro Orbe vniuerso, vnus abundè sufficit,

Annulus Piscatoris.

Gloria tanti Nominis,

Quidni Tuum quoque Decus sit

Perillustis ac Admodum Reuerende Domine P E T R E ORŁOWSKI;

Qui

Cunctos, quos aduersorum seu aduersariorum fluctus obruit

Seruas,

& ingruente naufragio miseris ex dirâ hac tempestate,

pulsis hinc inde turbinibus, tumētes procellas benignior Neptunus cōponis,

& quassatis ratibus, præsentissimo subuenis auxilio.

Insigne mœstis Præsidium reis.

Debuerit retibus

Tota

Tota quondam Græcia
quod Diuinum illum ut credebatur Tripodem, cepissent;
quem Delphis postea Orbis superstitiosius adorauit.

Tu uiuus ætate nostrâ Tripodas,
in turbido temporum istorum inuentus;

& à Solone Tuo,

Oblatus

Sacræ Themidi,

Dignissimum Diuâ hâc donum,

Cuius Oracula,

Sacraque illa responsa;

ex quibus singuli spes suas intendunt,

tam scitè promissis! tam prudenter formas!

ut nemo hæc non è Tripode, eoque aureo prolata, existimet.

Ac

Ne Tua Tibi quoque Retia deessent,

effecit Natura;

qua Te singulari humanitate præditum, ad amabilem hanc Ciuitatem
efformauit,

quâ omnes suauiter capis.

Nouimus Neronem

aureis semper retibus piscari solitum;

sed qui homines, ferreis compedibus vinceret saeuus.

Tibi,

Aurea verè sunt Retia, obuia illa in omnes comitas, mira affabilitas
erga singulos,

blando vultu suaue quiddam, & humanum spondens

quibus corda & animos hominum captos, trahis, possides,

ac in dulci potestate tenes.

Fruere his Retibus Tuis Fortunatus,

Tantoq; Nomine Inclytus

longæua quæuis Nomina & sæcula vince.

Cui

Gratias Cælestes fauoresq; unaq; successuum, & votorum felicitatem,

ac Honorum amplitudinem,

Fortunamque simul vectigalem,

trahant, & attrahant,

& Tua hæc, & Diuina

DIVI PISCATORIS RETIA.



1711.5

tem

ae

tas

em,

Biblioteka Jagiellońska



stdr0009378

